

主禮嘉賓及各位嘉賓、校監、各位校董、各位家長、黃校長及各位老師，大家好！

今日係我小朋友”孝君”及其他在坐家長小朋友的大日子。多謝校長比個機會我代表家長講吓小朋友在祥華幼稚園所得著。

首先，我想分享一下我同太太對祥華幼稚園的感覺！我有3個小朋友，只有3女孝君就讀祥華幼稚園，可以和大家講，我大仔同二女就讀的幼稚園雖然外表光鮮亮麗，但校園生活一點都不開心，但孝君則有很大不同，孝君每日回家都會好興奮咁同我哋分享學校發生的種種事情，可以肯定祥華幼稚園給了孝君一個愉快舒適的校園生活，令她十分開心快樂。

另一方面，祥華幼稚園內的設施應有儘有，質素不會比一般所謂的名校弱！祥華幼稚園的校長、主任、老師，還有孀孀都充滿愛心！大仔，二女回家從來沒有講老師。但孝君，由2年前翻學開始，每日回家都同媽媽講今日上堂如何，老師教了什麼，我亦因此認識了校長、萃欣老師、慧敏老師、惠兒老師、譚主任、TEACHER Hena、李 sir……，每日早上，校長、主任及老師都會在校園範圍外的地方迎接小朋友返學，與大家打招呼，可以感覺到祥華幼稚園真係用心去教育小朋友，不單單有愛，還有一份親切及熱誠。孝君也比哥哥，姐姐叻好多，中文認字強，數學已經可以計算2位數加減，英文就更利害，發音準，每天都要同爸爸用英文對話。睇英文咩通全部都睇得明……讓我好驚訝！我相信係祥華的功勞！所以如果有人問我選邊間幼稚園，我一定會 highly recommend 祥華幼稚園。

最後，祝願祥華幼稚園，學生一年比一年多，為香港培育更多樂觀，開朗，好學的學生。